

泉州府志

第二十六册

卷之五十一至

卷之五十一

K295.7

2

泉州府志

卷二十六

藝文志

七

PC2025.7

1

泉州府志卷之五十

循績

明循績十二

洪啓先

林鐘

顧斌

池顯京

廖鵬舉

先洙承彥

墳第

李廷楨

王振熙

王繼曾

周爾發

周家椿

郭廷禮

黃文惠

何應明

陳如松

李 枋

日學

蘇 琰

王寅揆

陳保泰

張 鏘

林宗載

張翰冲

張朝綱

洪啓允字爾哲南安英山人萬歷己酉舉人任棗陽教諭
入爲國子監學正歷戶部郎轉雲南大理府知府累任
瀾滄洱海二道按察司副使時邊地多故啓允游歷劇
任修濠堞汰冗卒料寇輯亂屢著幹畧遂以副使攝布

政使司未幾嬰疾歸大學士承疇啓先之墓子也少時
啓先奇之及承疇爲佐命元功啓先杜門不出 貝璽
入闕承

制命以開府兩廣啓先乃辭

乃以其子承俱授潮州府推官

洪氏
家傳

林鍾字廷奏晉江人萬歷己酉舉人由長樂教諭陞南國
子博士改大理評事遷寺副轉戶部主事督關中江右
賦賦集先他道復督徐州倉除貧民粟稅徐人勒石紀

之歷郎中出爲雲南叅議解雲龍州之爭遷永平尉之
亂轉廣東叅議出諸生龍偕稷于冤獄攝臬篆有土知
州黃安信欲得他司故絕地以自益靖藩暱之數爲言
鍾正色曰王果愛安信何不自割湯沐予之此官家版
小臣勿敢專王不得奪銜之歷官三十年歸惟圖書數
篋而已鍾性耿介門無挾邪之賓聞人不善義形於色
言事多援昔賢大要主正直忠厚而原本於天道常以
父爲德於陰者語其子曰凡吾所爲不侮閭閻室本之皆
爾祖父教也其在曹署時適魏瑞總戶工二部宏開厥

第矯旨致諸曹郎鐘獨不見同官危言怵之不爲動也

日林鶴胎朝集相遇歎賞其風節鶴胎者天啓時國子

祭酒抑魏璫臨雍建祠者也

雍正舊稿參林氏自記璫人細行並補遺

顧斌字質夫號治章晉江人萬歷己酉舉人授長泰教諭

陞廣東信宜令民有十異政之歌邑向轄狼兵多侵冒

按籍清覈編伍遂兢兢守法海賊李魁奇寇吳川當道

廉斌才檄治之斌躬屬橐鞬兩次督戰殲其先鋒賊遁

去會省兵誣舟商爲盜邀功斌泣請當道釋活數百人

攝電白化州二篆事有惠政所在攀輿久之遷萬州牧

戢峒山黎寇各相戒不敢犯陞蜀府左長史以母老乞

歸所著有信陽練兵記

通志

池顯京字致夫同安人浴德子善文章工書畫萬歷己酉

舉人授和州知州州有牛竈歲入千金胥役又故橫暴

一紙下鄉輒盡中人數家之產顯京至官首革牛稅創

設木皂州人便之旋忤巡按崔呈秀左遷湖州通判後

陞懷慶同知以眼疾歸卒于家兄顯方曾孫繼溥康熙

閒舉人選曲周令轉滇南臬幕

雍正舊志稿

耕養親定省維勤曾在吾封下合朱一臺七司

耕養親定省維勤曾在梧樹下拾珠一囊光潤異常俄
失珠者至問其數相符卽還之是科遂登賢書初令德
興多善政擢處州府同知謹慎公廉周詳練達署郡邑
篆約已裕民訟簡刑清以艱去賻贐一槩謝絕士民畱
鳥寄思服除補寧波同知廉而有惠寬而不弛治盜責
重緝捕嚴禁扳累所獲皆與盜郡當蛟門商船輻輳鵬
舉革去一切規例庭有質斷引情剖決使自悅服民稱
爲外公立祠祀之其祠碑曰外公者外大父也能甥吾
民故以是稱之每聞寇警卽登舟出海變服與卒伍同

偵探捍禦艱苦共之仁廉始終不二時石浦諸衛劇寇
稀突樓船數百鵬舉單騎慰諭賊遙見曰廖外公來也
釋甲而回寇平擢南安郡守壤接長沙流賊蠢聚鵬舉
設伏誘賊發灰礮擊之賊不敢窺陞廣西桂林道年七
十卒於官長子允洙貢生次璿第己酉鄉薦福州長樂
教諭陞浙江餘杭令詢民隱除強暴均徭役多善政璿
第子承彥舉人司鐸建寧人士欽式

通志參浙江通志
處州府志安溪志

李廷楨號晉澄晉江人萬歷辛卯舉人庚戌進士授大理
寺評事持平執法權璫戚畹不能撓恤刑江北持冰茹

槩端纘疆執以平恕輔爰書審斷察聲稱冤擧抑強扶
弱多所平反轉保定知府畿輔劇封弊竇叢雜吏胥低
昂文法爲奸利下車詢疾苦竭力釐剔扶其頑不法者
皆洗手奉公興社學革贖銀嚴保甲修津梁百廢具舉
郡賦役繁重民多逃亡招徠撫字之念羽書旁午緩則
愆期急則竭澤悉斥帑藏所餘周旋邊費民懷德亦輸
將恐後郡城隍舊址湫隘捐俸開拓北地艱於採木夜
夢神告以某處有巨木命經幕往視果獲大木三丈有
奇楊繼盛箕裘中落爲申文督學給衣巾奉祀暇進秀

毫而課之無不虛往實歸其衡文多出驪牡外如孫泰
器鹿化麟皆知名士褒然首舉者廷檳赤心白意飲人
以和而介節凜然不能隨時俯仰嘗自署曰寧拙無巧
寧後無先惟勤與慎可以補愆每上官欲擠所屬力持
之至以官決去就遷貴州副使爲忌者所中竟以察典
降調歸而治圃灌園被服雅素無異寒士與人交無城
府然諾不苟隱惡揚善居鄉若庚壘月朔申明約保躬
爲誠諭毋甘頑訟毋卽恠淫每有忿爭得其一言輒冰
釋里中有鋪甲之役策應零瑣猾胥夤緣爲奸爲請當

道一切報罷義廩之設社學之建次第舉行渾故有乘
駟橋歲久傾圯捐金修石梁數十間易險而夷路東通
仁風迎春二門車馬絡繹道坎阻不可行鳩衆興工遂
成通衢里人頌德天性孝友事父母進甘旨常篤孺慕
遇諱晨鳴咽輟箸必慙必敬撫諸姪推有贍無不啻已
子方廷檳解組時權焰方張有舊知欲以其名請堅弗
應未幾冰山旋解人服其遠識年七十六卒里人建祠

春秋祀焉

參姜秦坊祠碑記

王振熙字君含號晦生南安人萬歷己酉舉人庚戌會魁

除長清令未幾調章邱長清父老挽留不能得旣莅章
歲飢齋戒步禱捐俸勸賑又力請蠲逋八萬民賴以生
陞工部主事員外郎恪遵成法廉潔自守出守辰州時
境內方不靖力以安輯爲請忤當道意適丁外艱歸辰
民攀送者不絕於道服闋補大名裁公費抑豪右立會
課一郡治化煥然改觀期年督學山東首拔皆名下士
轉浙江叅政山東按察使恪慎自持未幾歸閉戶不與
外事聲色一無所嗜所往來皆未遇時故交質行曠懷
人盡吟式所著有澹寧齋文集三卷學庸達解六卷沒

後科臣左懋第題請從祀學宮建祠于崇聖祠東春秋

祭享不替云

南安志叅
王氏家傳

王繼曾字孝侯號原魯南安人萬歷丁酉經魁庚戌成進
士授行人擢戶科歷左右給事中時朋黨論起繼曾毅然
獨立侃侃不阿熹廟中建白尤多疏俱載名臣奏議
中辛酉典試江西緣忤中貴外轉浙江副使潔已愛民
旋乞歸復起山東兵備副使擢尚寶卿陞大理寺少卿
晉太僕寺正卿廕一子入監讀書戊辰請告賜馳驛歸
家邑中利病知無不言爲鄉人濬水利賴以永濟年七

十有二卒鄉人咸哭之如父焉

南安志

周爾發字子祥同安人萬歷庚子舉人庚戌進士初令吳
絲均賦革羨捐俸修學置田贍士署長洲調歙縣張弛
如吳秩滿陞禮部主事神宗遺詔欲冊鄭妃爲后據禮
執奏事竟寢光宗大漸召侍湯藥偕勲臣禮臣入直禁
中奉顧命識認太子時爾發以祠祭司兼掌四司事凡
大喪大慶郊祀賓嘉及光廟擇陵熹廟擇婚諸大禮儀
皆綜理無錯司讞南理督南糧節制南軍措置得宜前
後凡九賜金六錫命時人榮之終南京兆丞卒年五十

九通志卷
同安志

周家椿號愛日同安人萬歷丙午舉人庚戌進士授寧波
推官丰采英毅剖決如流攝郡篆並署鄞縣執要除煩
庶務咸理俸鍰置田于郡庠士民德之丁母艱歸起紹
興推官時浙中鹽課半出紹興家椿檢額外羨金歲可
數千悉汰革之推司理第一分校兩省得士九人如馮
元颺元颺和彪佳余煌章正宸皆名士有操行擢吏部
主事歷員外郎中屏絕私謁過吳門哭周忠介公而去
惜名器破積習如寶城大工諸職多由內授特加裁抑